

Judas lelpox carta Jesús pejwɥajan naexasitiliajwa

Judas lelpox carta Jesús pejwɥajan naexasitiliajwa

¹ Xan Judas, Santiago pakoewnan, nabistax Jesucristoliajwa. Xan lelx ampox carta xamal waj-ax Dios nejxasinkpimliajwa. Dios xamal makanot japon pejiwaliajwam. Jesucristobej pomatkoicha xamal tataeflaful.

² Xan Dios kawɥajnax xamal beltaeliajwa, kajachawaesliajwabejpon chiekal duilaliajwam, asew jiw sɥapich. Dios kawɥajnaxbej xamal nakaewa nanejxasinkaliajwam.

Judas naewɥajanpox naexasiti Jesús pejwɥajan asew jiw naekichachajbasamatas

³ Takoew, xamal xabich nejxasinkaxpim, xan kaes lelasian chiekal matabijaliajwam wajpaklon nakbɥ'weyaxaelpox. Pe japox lelaxinil ampapelfut. Xan wɥltaenx asew jiw xamalxot patpox. Japi pat xamal naewɥajnalialjwa, naekichachajbalialjwabej. Samata, lelaxaelen xamal naexasisasamatam japi jiw naewɥajanpoxan. Pe japi naewɥajanpoxan chiekal najɥpa-el, Dios pejwɥajan sɥapich, xatis naexasisliajwaspox. Japawɥajan pomatkoichaliajwa. Samata, japi jiw bɥɥfia'e bɥɥkofaliajwa naewɥajanpoxan!

⁴ Asew jiw xamalxot pat. Japi pat xamal naekichachajbalialjwa. Japi, me-ama Jesús

pejw^uajan naexasit wut, jakab^uan-aechi. Pe japi jumchi-el diachw^uajnakolaxpox. Asb^uan jumch jum-aechi: “Dios nakbeltaen xatis babijaxan isaspoxanliajwa. Samata, kaes babijaxan isfulas wut, Dios nakkastikaxil” — aechi asb^uan jumch. Naexasis-eli Jesucristo, japon kaenpon wajpaklon, japi isfulaliajwabej Jesucristo nejxasinkpoxan. Samata, asamatkoi Dios kastikaxaesi. Me-ama Dios chajia jum-aech japi jiwliajwa, jasox jachiyaxaes japi jiwliajwa.

⁵ Diachw^uajnakolax xamal matabijamlis lelaxaelenpox. Pe nakiowa, lelaxaelen kaes chiekal nejchaxoelaliajwam ampox. Chajiakolaxtat wajpaklon Dios bu'wia wut pejjiw, israelitas, Egipto t^uajnu^xot ampat^uajnu^leldin, do jaw^ux, japixot asew toech, naexasis-el wuti Dios tato'laspoxan. ⁶ ¡Nejchaxoeldebej Dios kastikapox asam^utpijiw, ángeles! Japi ángeles nejwesla isliajwa Dios tato'alpoxan. Samata, japi ángeles kofa Dios pijax bichax. Ja-aech wut, japi ángeles itkuataxxotdik jias. Japi jaxot machiyaxil nakolaliajwa. Japi ángeles w^uaj nawet Dios kastikaliajwas. Asamatkoi, kastikamatkoi pat wut, jiw babijaxan ispi pomatkoicha kastikaxaes. Jawut japi ángelesbej kastikaxaes. ⁷ Nejchaxoelam wut, ¡nejchaxoeldebej Sodoma paklowaxpijiwliajwa, Gomorra paklowaxpijiwliajwabej, asew jiw, mox duilpiliajwabej japapaklowaxanxot! Japapaklowaxanpijiw nakaepoejwa nabu'moejt. Watho'bej nakaewatho'a nabu'moejt. Samata, Dios to'a jit, pinjiyax, natacholnaliajwa japapaklowaxan poxasik. Jasoxtat japapaklowaxanpijiw

toejafas. Samata, amwutjel puexa jiw, babijaxan ispi, pajut chiekal matabija Dios asamatkoi jitat kastikaxaespoX pomatkoichaliajwa. Japajit toepaxil.

⁸ Poejiw, xamalxot patpi, japi pat xamal naekichachajbaliajwa. Japi babejchowbej. Me-ama pejw^uajnapijiw, ja-aech japi poejiw. Japi poejiw babijaxan is, masoxtat taenpoxan, asew jiw tae-elpoxan. Nejweslabejpi Dios tato'alpoxan isliajwa. Japi jum-aechbej babejjamechan Dios pej-ánglesliajwa. ⁹ Dios pej-ángel, japon paw^ulpon Miguel, puexa Dios pej-ángeslato'lan, jumchi-elon kaejame, babejjame, Satanásliajwa. Me-ama poejiw, xamalxot patpi, jum-aech babejjamechan Dios pej-ánglesliajwa, jachi-el Miguel. Chajiakolaxtat Moisés t^up wut, Satanás fisasia Moisés pejb^ut. Pe jaw^ut, Miguel kitapae-el Satanás fisliajwa Moisés pejb^ut. Jaw^utbej Miguel jumchi-el babejjamechan Satanásliajwa. Asbuan jumch jum-aechon Satanásliajwa: “¡Dios xam nej kastike'!” —aechon. ¹⁰ Pelax poejiw, xamalxot patpi, babejjamechan jum-aech pajut jum^umatabija-elpoxanliajwa. Me-ama choef matabija-el isliajwa, ja-aech japi jiw. Samata, Dios kastikas wut, toesaxaesi.

¹¹ Diachw^uajnakolax japi jiw Dios xabich kastikaxaes, babijaxan is xot, me-ama Caín babijax is chajiakolaxtat, ja-aech xoti. Xabich platakak^u kanasiapi. Me-ama profeta Balaam isasia, chajia laeja wut, ja-aechlap-is japi jiw. Samata, japi jiw Dios pejjamechan naew^uajan wut, chiekal naew^uajna-el. Japibej pajut naexasis-el Dios tato'alpoxan. Chajiakolaxtat Coré

naexasis-el wut Moisés tato'alpox, japon tɔp, Dios kastikas wut. Xamalxot patpi, jachiyaxaeslap-is. Dios kastikas wuti, japibej tɔpaxael. ¹² Xamal natamejlam wut xaeliajwam kaeyaxtat, jawut japibej xamalxot pat xaeliajwa, xamal sɔapich. Xamal nadala japiliajwa. Pelax japi padaeyax chiekal wejisal, xamal sɔapich, xaeliajwa, feliajwabej. Xabich xael wuti, japi xanejchadɔs-el asew jiw, puexa jiw kaechxajɔpaliajwa. Me-ama oveja tataeflan, nejchaxoel pejew oveja chiekal tataeflaliajwa, jachi-el japi jiw. Nejchaxoel asbɔan jɔmch pajut natataeflaliajwa. Nejchaxoela-eli xamal tataeflaliajwa. Japi ispoxan xabich pachaema-el. Me-ama itloijen, iampi, joewa xafos, ja-aech japi jiw, pachaema-el xot asew jiwliajwa. Me-ama naebaechnae baechjil wut, kaelel tɔp, ja-aechlap-is japi jiw, pachaema-el xoti asew jiwliajwa. Japibej, me-ama nae, potathina chakuchnae, kaelel fo'aliajwas, ja-aech japi jiw. ¹³ Japibej, me-ama pintruxan pijabaspox pamaklelde pɔtase oelaliajwa, ja-aech japi jiw, isful xot babijaxan, padalapoxan. Japibej, me-ama ithaej fol wut, matxalpi, ja-aech japi jiw. Pomatkoicha japi jiw Dios kastikaxaes. Samata, duilaxaeli itkɔataxxot.

¹⁴ Enoc chajiakolaxtat duk. Japon Adán pamon. Enoc Dios kajachawaech xot, jɔm-aechon ampox: “Wajpaklon Dios asamatkoi xabich pinia kola pej-áñeles bɔ'pasaxael. ¹⁵ Dios tasalaxael puexa jiw, pej bɔ'wɔajanpi, japi jiw is-el xot japon tato'alpoxan. Kastikaxaelbejpon puexa jiw, jɔm-aechpi babejjamechan Diosliajwa” —aech Enoc. Enoc chajia jɔm-aech japoxliajwa, matabijt xot

asamatkoi xamalxot pasaxaelpiliajwa. ¹⁶ Japi jiw, xamalxot patpi, jum-aechi babejjamechan puexa jiwliajwa. Puexa pachaem watbej japi jiwliajwa, nakiowa jum-aechful babejjamechan japoxanliajwa. Babijaxan isbejpi, pajut isasiapoxan. Do jawux, japi ispoxan asew jiw chapaeipi sitaeliajwas. Jum-aechbejpi asew jiwliajwa: “Xam chiekal pachaemam” —aechbejpi chaxduiliajwas wewe'paspoxan.

Judas naewuajanpox Jesús pejwuajan naexasiti naekichachajbasamatas

¹⁷ Takoew, xamal xabich nejxasinkaxpim, ne-jchaxoelam wat, inejchaxoelde Jesucristo pejjiw, apóstoles, chajia jum-aechpox! ¹⁸ Japi apóstoles chajia jum-aech: “Matkoiyan toepax wuajna, jiw jumchiyaxael babejjamechan Dios pejjamechanliajwa. Bu'wuajanpaeyaxaelbejpi Dios pejjiw. Xabich babijaxan isaxaelbejpi, pajut isasiapoxan” —aech apóstoles. ¹⁹ Japi jiw xamalxot naewuajan wat, jiw kaenejchaxoelaxil. Samata, xabich jiw nasalaxael. Japi, xamalxot patpi, isful babijaxan, pajut isasiapoxan. Japi jiw pejmatpuatanxot jil Espíritu Santo.

²⁰ Takoew, xamal nejxasinkaxpim, ichiekal naexasisfulde Jesús pejwuajan, Dios kaes chiekal xanaboejalajwam! iDios kawuajandebej, me-ama Espíritu Santo xamal tato'al kawuajnalajwam Dios! ²¹ Dios xamal xabich nejxasink. Samata, Dios to'a xot, ixamal chiekal duildel iWuajnawesfulde wajpaklon Jesucristo fuloeyaxoekpox, xamal pomatkoicha

duilaliajwam Diosxotse, xamal beltaen xoton babijaxan isaspoxanliajwa!

²² Asew jiw chiekal naexasis-elfuk Jesús pejw_uajan. Samata, naew_uajnam w_ut, ijapi jiw chiekal naew_uajande, japibej chiekal naexasisliajwa Jesús pejw_uajan! ²³ Jiw, naexasis-eli Jesús pejw_uajan, japi jiwliajwa chachoe, infierno poxaxaek xoti. Samata, xamal kamta naew_uajande japi jiw chiekal jum_umatabijaliajwa, Dios bu'welajwas infierno poxasamatapi! Asew jiwliajwa tampoel Jesús pejw_uajan, japi jiw chiekal jum_umatabijaliajwa. Samata, ijapi jiw chiekal naew_uajande naexasisliajwapi Jesús pejw_uajan! Japi babijaxan is w_ut, xamal japoxan nabej nejxasinke! iChiekal taem xamalbej isasamatam babijax, japi jiw babijaxan is w_ut!

Puexa Jesús pejw_uajan naexasiti, japi chimia-jamechan jum_uchiyaxaelpox Diosliajwa

²⁴⁻²⁵ Kaen Dios, japon xatis nakbu'weyaxael babijaxan isaspoxanliajwa. Japon naktataeflaxael isasamatas babijaxan. Asamatkoi, nuilaxaes w_ut Dios pejw_uajnalel, wajpaklon Jesucristo t_up xot babijaxan isaspoxanliajwa, bu'w_uajanjilaxaes Diosliajwa. Jaxotaxaes w_ut, Dios pej-itliakax taens w_ut, xabich nejchachaemlaxaes. Samata, jum_uchiyaxaes Diosliajwa: “iXam xabich pachaemam!” —chiyaxaes, xabich mamnik xoton. Puexa jiw matabijaxael Dios. Japon xaj_up puexa jiw tato'laliajwa. Jasoxtat Dios chajiakolaxtat majt puexa jiw tato'al. Amw_utjel nakiowa, ja-aechfuk japox. Dios puexa jiw tato'laxaelpox, japox pomatkoichaliajwa.

Pajelwaaajan Dios pejjamechan
New Testament in Guayabero (CO:guo:Guayabero)
copyright © 2009 Wycliffe Bible Translators, Inc.

Language: Guayabero

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Guayabero

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 11 Nov 2022 from source files
dated 29 Jan 2022
809259d4-ca58-5124-9a05-fd84078a3de3